

42. Post hunc viri prudentis sermonem ille RAGHUIDAM, etsi cincinnos in temporibus adhuc gerentem, robore præditum esse credebat, sicut flammæ, etiamsi *indragopæ* scarabæi instar parva sit, urendi vim tribuunt.

43. *Mithilæ* rex comitum catervas arcum apportare jussit, velut INDRA^S nubium turbas arcum splendidum exhibere jubet.

44. DASARATHIDES, videns arcum, dormientis serpentum principis instar terribilem, arripuit eum, quo SIVAS, bovem in vexillo gestans, dimiserat sagittam, quæ effugientem sacrificii feram persequabatur.

45. Juvenis, dum cœtus oculis præ stupore rigidis adspiceret, arcum, saxi instar firmum, haud magno labore intendit, veluti KÁMADEVAS tenerum florum arcum.

46. Ille, nimia intentione diffractus, tonitru instar tremendum sonum edens, BHRIGUIDÆ, valde irato, *Kshatriyorum* tribum impigram esse indicavit.

47. *Mithilæ* rex, læte accipiens roboris pretium, quod in SIVÆ arcu comprobatum viderat, RAGHUIDÆ dedit filiam suam, haud ex utero natam, LAKSHMIS instar formosam.

48. Deinceps *Mithilæ* rex, promisso stans, RAGHUIDÆ tradidit filiam suam, haud ex utero natam, coram vate splendido, quasi coram igne teste.

49. Misitque splendidus rex sacerdotem suum honoratum ad *Kosalæ* regem, nuntians ei: “Hanc NIMIS stirpem per filiæ nuptias tibi servilem fieri jubere velis!”

50. Ille nurum dignam quærebat, cum perveniret ad eum *Bráhma* cum nuntio opportuno: nam piorum optatum, eisdem legibus obnoxium, atque arboris cœlestis fructus, illico maturescit.

51. DASARATHAS, cum audisset sermonem viri nobilis, qui omnes honores ei tribuit, profectus est, INDRA^S socius, sui potens, militum pulvere solis radios surripiens.

52. Obsidebat *Mithilam* urbem, exercitu cingens eam, et sylvarum vicinarum arbores vexans; sed urbs illa tolerabat obsidionem amicam, veluti mulier diuturnum amati amplexum.

53. Uterque princeps congressi, morem receptum observantes, VARUNÆ